



eyn runde ebne/wie eyn halbe fugel/Zum drytten/ist eyn hole ebne/wie eyn runder kessel/Zum vierden/
 ist eyn beulette ebnen/an etlichen enden hoch an den andern nyder/Es sind auch ebenen wie eyn breyt-
 ter reiff/eyn vnd ausbogen/mancherlen weyß verfert/dann alle dise ding sollen vnd mögen zu der
 nutzbarkeit gebraucht werden in den wercken/wodas nit geschicht/bricht man das haubt vergeblich
 mit/Erstlich will ich die erst recht ebne mit einer rechten firung vmbzyhen/dem thū ich also/ich reyß
 eyn zwerc h lini .a.b.damit far ich eben vndersich/als ferr so lang sie ist/so wirdet daraus eyn gefirte
 ebne/Aber eyn runde blatte ebne mach ich also/Ich reyß eyn gerade lini.a.b.vnd halt die bey dem ende
 a.still an eyner stat.Aber mit dem end.b.far ich herumb/von dem anfang bis ich herwider vmb komme
 So macht das end.b.eyn runden abschnyt/vn bleibt der ort .a.eyn mittel punckt/vn von disem punck-
 ten.a.ist vberall gleich weyt/an alle end der runden ebnen/Solchs hab ich hie vnden als auff geryssen.
 Eyn gefirte ebne ganz blat/Eyn runde ebne Ein fuglete ebne Ein hole ebne Eyn bogne ebne
 Ein beulette ebne/



SOn nun von der leng vn breyte/das ist die ebne ein wenig geredt ist/was sie sey/So will ich
 nun sagen was die leng vnd breyte mit sambt der dicke sey/das sind die Corpora/auf den
 selben will ich etliche anzeygen vnd leren/wie sie gemacht mügen werden/Erstlich mym
 die vorgemacht gefirte ebne.a.b.b.a.vnd far gerad mit obersich/ als hoch als breye sie ist/so
 wirdt ein recht gefirter würffel daraus/von gleichen seyten/von gleichē ebnen/vn von gleichen winck-
 len/Darnach myn die vorgemacht rund ebne/vnd reis aus dem mittel punckten.a.gerad hynauß byß
 ans ende der runden/da setz ein.c.also das.c.a.b.ein gerade lini sey/vnnd setz auff die ein seiten aufer-
 halb der runden ebne ein.d.auff die ander seyten.e.Aber.c.a.b.sey die art/daran mus dise ebne umge-
 went werden vom.d.bis zum.e.so reist diser runder ryß/ein ganz runde fugel/die von aussen allenhal-
 ben gleich weyt zu jrem mittel punckten.a.hat/Doch mus im vmb wenden die art in den punckte.c.b.
 stett bleiben/also hastu zwey volkome Corpora/Aber kein volkumener Corpus ist/das allenthalbē glei-
 cher ist dann ein fugel/Dise zwey Corpora hab ich auff geryssen.

Eyn gefirte Corpus oder würffel/

Eyn runde fugel oder sper/



A iii.